

Tùi Sìn Lâi kah SiōngChú Hôhó

5 Kijian lán tùi sìn hō SiōngChú chhengchò gīlâng, lán tòh kaitong thongkòe Chú lésu Kitok, kah SiōngChú ū hôbók ê koanhē. ² Thongkòe lán ê sìn, Kitok ínhhōa lán chìnjip chit má teh híngsiū ê intián tiong, koh hoaⁿhoaⁿ híhí teh òngbāng thang hunhióng SiōngChú ê êngkng. ³ M̄ nā ánne, lán tī khólān tiong, iūgoân hoaⁿhoaⁿ híhí, inūi lán chai, khólān seⁿchhut jímnāi, ⁴ jímnāi seⁿchhut láuliān, láuliān seⁿchhut òngbāng; ⁵ chitê òngbāng bē hō lán sitbōng, inūi SiōngChú íkeng thongkòe l sǒ siúⁿsù hō lán ê Sènglêng, kā thiàⁿ koànak tī lán ê simlāi.

⁶ Inūi tng lán iáu loánjiók ê sī, Kitok tòh tī SiōngChú sǒ tiāⁿtiòh ê jìtchí, ūi tiòh chōejīn lâi sí. ⁷ Thè gīlâng sí, sī chin hántit ū ê; thè hó lāng sí, kiámchhái ū lāng káⁿ chò. ⁸ M̄ koh, SiōngChú ū hiánbēng l tùi lán ê thiàⁿ, tng lán iáusī chōejīn ê sī, Kitok tòh tãithè lán sí. ⁹ Sǒi, lán kijian inūi Kitok ê sí hō lán kah SiōngChú ū hôbók ê koanhē, l ê sí mā pitjiān ē kiù lán thoatlī SiōngChú ê tōa siūkhì. ¹⁰ Inūi tng lán iáu teh pōegék SiōngChú ê sī, l tòh thongkòe l ê Kiáⁿ ê sí, hō lán thang kah l kohchài hôhó. Chit má lán kijian íkeng kah l hôhó à, lán kám bē koh khah inūi Kitok ê kohoàh lâi titkiù? ¹¹ M̄ nā ánne, lán chit má íkeng thongkòe Chú lésu Kitok kah SiōngChú hôhó, lán mā beh thongkòe Chú lésu Kitok, ēng SiōngChú chò khoakháu.

Atám kah Kitok

¹² Chōe thongkòe chitê lāng chìnjip sèkan, síbōng mā thongkòe chōe jíplāi. Kiatkó, sǒu ê lāng lóng ē sí, inūi sǒu ê lāng lóng ū hōanchōe. ¹³ láu bōe ū lúthoat íchēng, chōe tòh íkeng tī sèkan; m̄ koh inūi bō lúthoat, chōe tòh bō sngchò sī chōe. ¹⁴ Chóng sī, tùi Atám kàu Mōse, síbōng chiángkoân, lián bō hoān tiòh Atám sǒ hoān ê chōe ê lāng mā lóng tiòh sí.

Atám sī iāu beh lâi Hit ūi ê tiāuthâu. ¹⁵ M̄ koh, Atám ê chōe kah SiōngChú pèhpèh ê insù

Tùi 信來 kah 上主和好

5 既然咱 tùi 信 hō 上主稱做義人，咱 tòh 該當 通過主耶穌基督，kah 上主有和睦 ê 關係。 ² 通過咱 ê 信，基督引 chhōa 咱進入 chit má teh 享受 ê 恩典中，koh 歡歡喜喜 teh òng 望 thang 分享上主 ê 榮光。 ³ M̄ nā ánne，咱 tī 苦難中，猶原歡歡喜喜，因為咱知，苦難生出忍耐， ⁴ 忍耐生出老練，老練生出 òng 望； ⁵ chitê òng 望 bē hō 咱失望，因為上主已經通過祂所賞賜 hō 咱 ê 聖靈，kā 疼灌 ak tī 咱 ê 心內。

⁶ 因為當咱 iáu 軟弱 ê 時，基督 tòh tī 上主所定 tiòh ê 日子，為 tiòh 罪人來死。 ⁷ 替義人死，是真罕得有 ê；替好人死，kiámchhái 有人敢做。 ⁸ M̄ koh，上主有顯明祂對咱 ê 疼，當咱 iáu 是罪人 ê 時，基督 tòh 代替咱死。 ⁹ 所以，咱既然因為基督 ê 死 hō 咱 kah 上主有和睦 ê 關係，祂 ê 死 mā 必然 ē 救咱脫離上主 ê 大受氣。 ¹⁰ 因為當咱 iáu teh 悖逆上主 ê 時，祂 tòh 通過祂 ê Kiáⁿ ê 死，hō 咱 thang kah 祂 koh 再和好。 Chit má 咱既然已經 kah 祂和好 à，咱 kám bē koh khah 因為基督 ê koh 活來得救？ ¹¹ M̄ nā ánne，咱 chit má 已經通過主耶穌基督 kah 上主和好，咱 mā beh 通過主耶穌基督，用上主做誇口。

亞當 kah 基督

¹² 罪通過一個人進入世間，死亡 mā 通過罪人來。結果，所有 ê 人 lóng ē 死，因為所有 ê 人 lóng 有犯罪。 ¹³ láu 未有律法以前，罪 tòh 已經 tī 世間；m̄ koh 因為無律法，罪 tòh 無算做是罪。 ¹⁴ 總是，tùi 亞當到摩西，死亡掌權，連無犯 tiòh 亞當所犯 ê 罪 ê 人 mā lóng tiòh 死。

亞當是以後 beh 來 Hit 位 ê 兆頭。 ¹⁵ M̄ koh，亞當 ê 罪 kah 上主白白 ê 恩賜全然無全。

choânjiân bô kâng. Inūi nā thongkòe chítê lâng ê chōe, chènglâng lóng tiòh sí, áne, SiōngChú thongkòe Iésu Kitok chítê lâng, pèhpèh siúⁿsù hō chènglâng ê intián ittēng koh khah honghonghùhù! ¹⁶ Jíchhiáⁿ, SiōngChú ê insù kah chítê lâng hōanchōe ê hiōkó mā choânjiân bô kâng. Inūi chiàu símphòⁿ, lâng kantaⁿ chít pái ê kòesit tòh hō SiōngChú phòⁿkoat ũ chōe; m̄ koh, inūi pèhpèh ê insù, chin chē pái ê kòesit mā lóng hông soanphòⁿ bô chōe. ¹⁷ Nā inūi chítê lâng hōanchōe, choân jīnlūi tiòh siū síbông ê koánhat, áne, Iésu Kitok sǒ sēngchiū ê koh khah tōa. Hiahê niásiū SiōngChú honghù ê intián, iā tòh sī pèhpèh hō SiōngChú soanphòⁿ bô chōe ê lâng, in koh khah ē tàng thongkòe Kitok chítê lâng lâi chiángkoán kakī ê sèⁿmiā.

¹⁸ Sǒi, tú chhinchhiūⁿ chítê lâng hōanchōe, chènglâng lóng siū tēng chōe; kàngkhoán, inūi chítê lâng ê gīhēng, chènglâng lóng tit tiòh sià chōe kah éngseng. ¹⁹ Inūi, tú chhinchhiūⁿ chítê lâng pōegék, chènglâng lóng chiâⁿchò chōejīn; kàngkhoán, thongkòe chítê lâng sūnhók, chènglâng mā lóng chiâⁿchò gīlâng.

²⁰ lúthoat ê chètēng, hō chōe jú kethiⁿ; chóng sī, chōe jú kethiⁿ, SiōngChú ê intián mā ē koh khah honghù. ²¹ Áne, tú chhinchhiūⁿ chōe thongkòe síbông lâi chiángkoán, SiōngChú ê intián mā ē thongkòe gī lâi chiángkoán, hō lán thongkòe Chú Iésu Kitok lâi tit tiòh éngseng.

因為若通過一個人 ê 罪，眾人 lóng tiòh 死， áne，上主通過耶穌基督一個人，白白賞賜 hō 眾人 ê 恩典一定 koh khah 豐豐富富！ ¹⁶ 而且，上主 ê 恩賜 kah 一個人犯罪 ê 後果 mā 全然無全。因為照審判，人 kantaⁿ 一 pái ê 過失 tòh hō 上主判決有罪； m̄ koh，因為白白 ê 恩賜，真 chē pái ê 過失 mā lóng hông 宣判無罪。 ¹⁷ 若因為一個人犯罪，全人類 tiòh 受死亡 ê 管轄， áne，耶穌基督所成就 ê koh khah 大。Hiahê 領受上主豐富 ê 恩典，也 tòh 是白白 hō 上主宣判無罪 ê 人， in koh khah ē tàng 通過基督一個人來掌管 kakī ê 性命。

¹⁸ 所以， tú 親像一個人犯罪，眾人 lóng 受定罪；全款，因為一個人 ê 義行，眾人 lóng 得 tiòh 赦罪 kah 永生。 ¹⁹ 因為， tú 親像一個人悖逆，眾人 lóng 成做罪人；全款，通過一個人順服，眾人 mā lóng 成做義人。

²⁰ 律法 ê 制定， hō 罪 jú 加添；總是，罪 jú 加添，上主 ê 恩典 mā ē koh khah 豐富。 ²¹ Áne， tú 親像罪通過死亡來掌權，上主 ê 恩典 mā ē 通過義來掌權， hō 咱通過主耶穌基督來得 tiòh 永生。